


www.BibleForChildren.org


Genesis 1




Tukamiri idui Diuxi
go tibagi imadi oidigi.



Aidipiri oropiga
maaxkatadai oidigi dai
mai maatiga maaxkana
ix tumaxika agai kia dai
tukamugakana. Dai aidi
sudagi dama
sagiikatadai igai ix
makidi Diuxi Ibhadi
tigidu.



Daidi go tukamidiri tasiri saidi itii Diuxi, —Gi aagai ix
oidakana kudagi— itii igai. Dai ka oidatu kudagi potikai
igai. Dai tiiti igai go kudagi tasai dai gobai ix makidi mai
maaxkatadai tiiti igai tukagi. Gobai idui Diuxi go
tukamidiri tasiri dai
podukai pogidui
imo tasai
abhiadiri
xi gi aaga
idui igai
oidigi.



Bhodiri xadiko saidi itii Diuxi, —Gi aagai sai oidakana imo gii irhigiñikami tikabi oidigi dama sai gokidi ka gokapiri biyagi go sudagi ix makidi iina kaati oidigi— itii igai. Dai ka pogidui gobai mos potikai igai. Dai bhodiri tibagi tiiti igai go gii irhigiñikami. Dai podukai ka aiturhi goka tasai abhiadiri xi Diuxi gi aaga idui oidigi.



Bhodīrī saidi itīi Diuxi xadiko, —Ix makīdī tībagi uta
kaatī sudagi gī aagai sai gī īmapidagi īmapajako bai ka
maaxi kaatīkana oidigi— itīi īgai. Dai ka pogīdui mos
potīkai īgai. Daidi ix makīdī ka gakikami bii gobai
dībīrai tīitī Diuxi dai ix makīdī dama kaatīkatadai dai
gajiadīrī bii gobai gīi sudagi tīitī īgai.

Dai bhai gī īrhidi Diuxi tīigakai
aaduindadī kīigadukatai gobai.



Dai bhodiri saidi itii Diuxi, —Gi aagai ix gukakagi uxi
oidigi dama iibhaidakami dai basoi ipi iibhaidakami
ipi— itii igai. Dai ka pogidui mos
potikai igai. Dai ka ayi baika
tasai abhiadiri xi gi aaga
idui Diuxi oidigi.



Podukai idui Diuxi go tasai imadi go masadai. Go gidukidi idui igai sai kudaidakana tasiri dai go arhidukidi tukari. Dai ikobirakoga idui igai go xixabugai ipi. Dai podukai kaxi gi aiturhi maakoba tasai abhiadiri xi gi aaga idui Diuxi oidigi.



Bhodiri xadiko saidi itii
Diuxi, —Gi aagai xi
oidakagi sudairi
oidakami giigirdukami
dai saagida
aarhidukami dai ujurugi
oidigi dama sai
ganinidagi igai— itii
Diuxi. Dai ka pogidui
mos potikai igai. Dai ka
aiturhi taama tasai
abhiadiri xi gi aaga idui
Diuxi oidigi.




Dai bhodiri saidi itii Diuxi, —Gi aagai sai dibiraindiri
bubuakiagi bii sudakami oidigi dama ajiopadami
maaxi. Oidigiri ajiopadami buxtaki imadi sosiakami
dai modukai giigir kikiixi dai saagida aarhi kikiixi biixi
gi aagai ix oidakagi— itii igai. Dai ka pogidui mos
potikai igai.




Bhodiri iigi gi titidai Diuxi —Xibi gia titai gir ipiamaaxi iduñi odami sai Bhodiri tianina igai oidigi dama biixi ixtumaxi oidaga— itii Diuxi. —Sai tianina igai go batopa, dai go ujurugi, dai biixi go oidigi dama ajiopadami tomaxi oidigiri ajiopadamikagi xi sosiakamikagi ipi dai modukai go giigirdukami saagida aarhidukami biixi— itii igai.



Dai kīiga bhai gī irhidi Diuxi nīiditai bīi sudakami
aaduindadi. Amaxi ka aiturhi naadami tasai abhiadiri
xi gī aaga idui Diuxi oidigi.



Ami Edeniri dái Diuxi Gir Nukadakami go kírhi ix
makidi idui igai. Dai nukaturhi igai ixikami sai
aatabuada igai dai bhaibuadaana ixikami.



Dai maa oigaragai sai
kumuda igai uxi ibhiadi
biixi tomox makidi uxi
ix makidi ami
ixikamiana guka.

Mosikaxi imo uxi igai
dai mai maigarxi ix
kukumiagi, go ix
makidi igaikidi biixi
aikatai aajii tigibudagai
modukai kiigadukami
imadi ix makidi mai
kiigadu.



Gokidi gia aagidi igai
sai mai ugana.
Potitidai igai aidī sai,
—Ix ugiagi aapi gobai
aidī gia gīgibituldamu
aani xi mukia aapi—
ititidai.



Dai bhodiri Diuxi Gir Nukadakami bui dibirai dai igaikidi idui bii sudakami go oidigi dama ajiopadami dai ujurugi. Dai tigi igai go kirhi sai igai darasana titiaradi. Dai ka potitigidukami bii igai aidi abhiadiri ix dukai titi go kirhi. Dii modukai ka mai ti go kirhi adundi xorai igai dai soikidagi.



Daidi bhodiri Diuxi Gir Nukadakami kabami koxitu go
kirihi dai busaitu imo onomadi dai ipamu kuu tukugadi.
Dai go kirihi onomaiñdiri idui Diuxi imo oki daidi tigi
igai go kirihi.



Kaxkidi aidi abhiadiri daadagitoi kirrhi
ogadi dai didi dai oki imadi bipiyyi xi
bhodiri bhaitiakoga kaxi imo odami
dukai bipiyyi go oki imadi kirrhi.



—Diuxi sīrhikīdī kīiga oigīdai bīixi oidigi
daama óidakami dai kaxkīdī gin otoi igai
aanī ix makīdī ir Maradī imadugakīdī.
Gin otoi igai an sai mukuna bai mai
kona ix makīdī gin buaboitudagi
dai bhayoma bīixkīrī bīitarī
óidakana.



Romanos 3:23 Daiñi, Diuxi sïirhikidï kïi tuiga dai kïi tiodi dai bïixi óidakami ïr soimaaxi buadami dai mai ajïi Diuxi.

Romanos 6:23 Go soimaaxkami maitïkidi ïr go ïi mukigami tudu. Dïi gia Diuxi gïr maakai ïmo oidaragai. ïgai gïr maakai ïmo kïigakïri oidakaragai bïixkïri bïitarï tudu bïinakatai aatimï Gïr Nukadakami Suxi Kristo.

Hebreos 9:27 Daiñi, odami mos arhi ïmo imidagai mumukui. Dai gokïiri arhi ïmo imidagai aagada agai Diuxi ix bhai kïiga dui ïgai xïipi xi mai kïiga dui ïpi.

Efesios 2:8,9 Kïi tuiga Diuxi gïn bïitarï kaxkidï kïigakïri bubuaka aapimï buaboidakai. Mai kïigakïri bubuaka aapimï ïigi gïn gubukarhigakidï tudu. ïmo oidaragai gobai ix makidï gïr maa Diuxi bhaiyoma.



Odami maiti ixtutuidikii xi iigi kiiigakirii gin bubiadagi aaduindadikidi. Kaxkidi mai tipuka agai xorai potiiyagi sai iigi gubukarhigadikidi kiiigakirii busai. Mai tipukamu ixtukidi gidukidi gi aagagi tomarhi imadutai aidi.

Romanos 10:9,10 Ga aagidiña aatimi sai gi agai xi odami buaboitudaitai po tiiyagi sai Suxi Kristo bixi adaama ir Tianidami. Dai sai gi aagai xi kiiigakirii buaboitudagi igai ix Diuxi duakaturhi go Suxi. Xorai pobuadagi gia kiiigakirii bubuaki agai.

Diuxi kiiigakirii gir niidi buaboitudakai aatimi tudu, mos maaxiko aagakai ix buaboitudai aatimi.

Juan 3:16,17 —Diuxi siirhikidi kiiiga oigidai bixi oidigi daama oidakami dai kaxkidi gin otoi igai aanii ix makidi ir Maradi imadugakidi. Gin otoi igai an sai mukuna bai mai kona ix makidi gin buaboitudagi dai bhaiyoma bixkiri biitari oidakana.



Diuxi gin otoi oidigi daama mai xu sai aagana aanii ix tuma
gigibituldaragai ajiga oidakami. Gin otoi igai bhayoma an
sai kiiigakirii bubaidana oidakami— ititidai Suxi.

1 Juan 5:11-13 Diuxi gir aagidi sai gir maakai ibhidagai
utudui sai kiiigakirii oidakana aatimii biiixkirii biiitarii mos
buaboitudakai aatimii Maradii tudu.

Kaxkidi gi maati sai xorai buaboitudagi Diuxi Maradii ka bia
go kiiigakirii oidakaragai biiixkirii biiitarii. Dii gia odami ix
makidi mai buaboitudai mai bia gobai.

Daiñi, gin ojidi aanii aapimii ix makidi buaboitudai Diuxi
Maradii saidi kiiiga maatikana aapimii sai ka bia aatimii go
utudui oidakaragai ix makidi biiixkirii biiitarii kabakarii.



Genesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Tepehuan Northern (ntp) Copyright: Ethnos360 Sanford,
Florida

<https://www.bible.com/en-GB/bible/3339/GEN.1.NTP>

©2025 Bible for Children, Inc.

www.M1914.org

www.bibleforchildren.org

